

Na osnovu člana 27. stav 2. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22) i člana 103. Zakona o zdravstvenom osiguranju Federacije Bosne i Hercegovine ("Službene novine Federacije Bosne i Hercegovine", broj: 30/97, 7/02, 70/08, 48/11, 36/18 i 61/22), i člana 44. Statuta Zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“, broj: 11/16 i 9/19), Upravni odbor Zavoda zdravstvenog osiguranja Zeničko-dobojskog kantona na nastavku 3. sjednice održanom dana 09.03.2023. godine, donosi:

**ODLUKU**  
**o izvršavanju Finansijskog plana**  
**Zavoda zdravstvenog osiguranja Zeničko-dobojskog kantona za 2023. godinu**

**I - Opće odredbe**

**Član 1.**

Ovom Odlukom utvrđuje se način izvršavanja Finansijskog plana Zavoda zdravstvenog osiguranja Zeničko-dobojskog kantona za 2023. godinu (u daljem tekstu: **Finansijski plan**), kao i struktura prihoda i primitaka, rashoda i izdataka navedenog Finansijskog plana i njihovo izvršavanje, dinamika i prioriteta u plaćanju obaveza, planiranje novčanih tokova i finansijsko izvještavanje.

**II - Struktura prihoda i rashoda**

**Član 2.**

Finansijski plan Zavoda zdravstvenog osiguranja Zeničko-dobojskog kantona (u daljem tekstu: **Zavod**) sastoji se od opšteg dijela kojeg čine ukupni prihodi i primici, te ukupni rashodi i izdaci, kao i posebnog dijela u kome su prihodi i rashodi raspoređeni po programima, kvalifikaciona struktura radnika i Plan nabavke stalnih sredstava.

**Član 3.**

Planirani prihodi Zavoda po izvorima sredstava ostvarivat će se u skladu sa Zakonom o zdravstvenom osiguranju ("Službene novine Federacije Bosne i Hercegovine", broj: 30/97, 7/02, 70/08, 48/11, 36/18 i 61/22), Zakona o doprinosima ("Službene novine Federacije Bosne i Hercegovine", broj: 35/98, 54/00, 16/01, 37/01, 1/02, 17/06, 14/08, 91/15, 104/16 i 34/18), Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton ("Službene novine Zeničko-dobojskog kantona", broj: 12/13 i 14/13), i drugim propisima koji regulišu ovu oblast, kao i ostalim mjerama i izvorima koji proizilaze iz opštih nadležnosti kako samog Zavoda, tako i drugih subjekata koji direktno ili indirektno učestvuju u istom.

## **PRIHODI I PRIMICI**

Plan prihoda i primitaka sastoji se od:

- Prihoda od doprinosa za obavezno zdravstveno osiguranje utvrđenih Zakonom o doprinosima;
- Prihoda od doprinosa za obavezno zdravstveno osiguranje - korisnici penzija;
- Prihoda od povremenog obavljanja samostalne djelatnosti i samostalnog rada;
- Prihoda od doprinosa za obavezno zdravstveno osiguranje - nezaposlena lica;
- Prihoda od doprinosa za zdravstveno osiguranje određenih korisnika čiji je zakonski obveznik Vlada Zeničko-dobojskog kantona (za izbjegla i raseljena lica, socijalne kategorije, ministarstvo obrazovanja i boračke kategorije);
- Prihoda od doprinosa za zdravstvenu zaštitu INO osiguranika;
- Prihoda od doprinosa za zdravstveno osiguranje - dobrovoljno osiguranje;
- Prihoda od iznajmljivanja (poslovnih prostora i stanova);
- Prihoda od finansijske i nematerijalne imovine;
- Prihoda od pružanja usluga građanima;
- Povrata iz ranijih godina;
- Neplaniranih uplata.

Plan rashoda i izdataka sastoji se od:

- Rashoda za finansiranje zdravstvene zaštite;
- Rashodi za finansiranje rada Stručne službe Zavoda (bruto plaća sa pripadajućim porezima i doprinosima), i ostalih prava iz radnog odnosa za radnike Zavoda, te materijalnih i ostalih troškova Stručne službe Zavoda;
- Tekuće rezerve;
- Kapitalnih izdataka.

### **Član 4.**

Planirani prihodi po osnovu doprinosa na plaće uposlenika koji su u radnom odnosu kod pravnih i fizičkih lica, redni broj 1. Finansijskog plana (ekonomski kod 712111), ostvarivat će se na osnovu Zakona o doprinosima.

### **Član 5.**

Prihod planiran po osnovu doprinosa za korisnike penzija, redni broj 2. Finansijskog plana (ekonomski kod 712111), ostvarivat će se na osnovu Odluke o osnovicama i stopama doprinosa za obavezno zdravstveno osiguranje za Zeničko-dobojski kanton.

### **Član 6.**

Prihodi planirani po osnovu doprinosa za zdravstveno osiguranje od povremenog obavljanja samostalne djelatnosti i samostalnog rada, redni broj 3. Finansijskog plana (ekonomski kod 712116), planirani su na osnovu Odluke o osnovicama i stopama doprinosa za obavezno zdravstveno osiguranje za Zeničko-dobojski kanton, te Pravilniku o načinu obračunavanja i uplate doprinosa ("Službene novine Federacije Bosne i Hercegovine", broj: 64/08, 81/08, 98/15, 6/17, 38/17 i 9/18).

#### **Član 7.**

Prihode planirane po osnovu doprinosa za nezaposlene osobe plaća Služba za zapošljavanje Zeničko-dobojskog kantona, redni broj 4. Finansijskog plana (ekonomski kod 712133), a planirani su u skladu sa Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton.

#### **Član 8.**

Prihodi po osnovu doprinosa za zdravstveno osiguranje za izbjegla i raseljena lica, redni broj 5. Finansijskog plana (ekonomski kod 712134), planirani su u skladu sa Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton.

#### **Član 9.**

Prihodi po osnovu doprinosa za zdravstveno osiguranje - socijalne kategorije gdje je obveznik Vlada Zeničko dobojskog kantona, redni broj 6. Finansijskog plana (ekonomski kod 712135), planirani su u skladu sa Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton.

#### **Član 10.**

Prihodi po osnovu doprinosa za zdravstveno osiguranje - ministarstvo obrazovanja gdje je obveznik Vlada Zeničko dobojskog kantona, redni broj 7. Finansijskog plana (ekonomski kod 712135), planirani su u skladu sa Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton.

#### **Član 11.**

Prihodi po osnovu doprinosa za zdravstveno osiguranje - boračke kategorije gdje je obveznik Vlada Zeničko dobojskog kantona, redni broj 8. Finansijskog plana (ekonomski kod 712136), planirani su u skladu sa Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton.

#### **Član 12.**

Prihodi planirani od doprinosa iz naknada za zdravstvenu zaštitu članova porodica radnika zaposlenih u inostranstvu, inostranih penzionera i članova njihovih porodica, redni broj 9. Finansijskog plana (ekonomski kod 712191), planirani su na osnovu potpisanih INO konvencijama sa: Hrvatskom, Crnom Gorom, Srbijom, Njemačkom, Slovenijom, Austrijom, itd.

### Član 13.

Prihodi po osnovu doprinosa za zdravstveno osiguranje - dobrovoljno osiguranje predstavlja uplate lica koja nisu osigurana ni po kome osnovu zdravstvenog osiguranja, redni broj 10. Finansijskog plana (ekonomski kod 712193), a planirana su u skladu sa Odlukom o osnovicama i stopama doprinosa za obavezno zdravstveno osiguranje za Zeničko-dobojski kanton.

### Član 14.

Planirani prihodi na rednom broju 12.1. Finansijskog plana (ekonomski kod 721122), ostvarivat će se na osnovu Ugovora za iznajmljivanje vlastitih poslovnih prostora i stanova.

Planirani prihodi na rednom broju 13.1. Finansijskog plana (ekonomski kod 721211), ostvarivat će se na osnovu zaključenog ugovora o pružanju bankarskih usluga - bez naknade [broj: 01-45-12899/21 od 02.11.2021. godine] između Zavoda i ASA Banke d.d. Sarajevo.

Prihodi planirani od pružanja usluga građanima (premija osiguranja), redni broj 14.1. Finansijskog plana (ekonomski kod 722611), ostvarivat će se na osnovu prodatih premija osiguranim licima u kantonu.

Prihodi od pružanja usluga građanima na rednom broju 14.2. Finansijskog plana (ekonomski kod 722613), ostvarivat će se na osnovu Odluke o neposrednom učešću osiguranih lica u troškovima korištenja zdravstvene zaštite ("Službene novine Zeničko-dobojskog kantona", broj: 4/05, 13/08 i 13/17).

Prihodi planirani po osnovu ostalih povrata (ostali prihodi) na rednom broju 15.1. Finansijskog plana (ekonomski kod 722719), ostvarivat će se na osnovu povrata iz ranijih godina.

Prihodi planirani po osnovu regresnog postupka na rednom broju 15.2. Finansijskog plana (ekonomski kod 722719), ostvarivat će se na osnovu uplata od strane osiguranja i fizičkih lica.

Prihodi na rednom broju 16.1. Finansijskog plana (ekonomski kod 722791), ostvarivat će se na osnovu neplaniranih uplata.

## RASHODI I IZDACI

### Član 15.

Finansiranje programa zdravstvene zaštite na teret planiranih rashoda Zavoda, izvršavat će se u skladu s Finansijskim planom i programima zdravstvene zaštite koji se finansiraju sredstvima Zavoda, a koji obuhvataju pružanje zdravstvenih usluga osiguranim licima i nabavku lijekova sa važećih listi i ortopedskih sprava i pomagala.

Finansiranje pružanja zdravstvenih usluga u zdravstvenim ustanovama u Federaciji Bosne i Hercegovine izvršavat će se na osnovu zaključenih ugovora između Zavoda i zdravstvenih ustanova.

Transferi sredstava po osnovu finansiranja zdravstvene zaštite u kantonu u Finansijskom planu Zavoda nalaze se na:

- Na rednom broju 3.13.4.1. Finansijskog plana (ekonomski kod 613941), planirana su sredstva za primarnu opću zdravstvenu zaštitu u kantonu [ugovori, prevoz kolima hitne pomoći, obrada za invalidsku komisiju pri Zavodu za medicinu rada i sportsku medicinu i Institut za zdravlje i sigurnost hrane Zenica (dio za primarnu zdravstvenu zaštitu)]. Obračun sredstava vrši se na osnovu Naredbe o standardima i normativima zdravstvene zaštite iz obaveznog zdravstvenog osiguranja ("Službene novine Federacije Bosne i Hercegovine", broj: 82/14, 107/14 i 58/18) i Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 19/19);
- Na rednom broju 3.13.4.2. Finansijskog plana (ekonomski kod 613941), planirana su sredstva za preventivnu zdravstvenu zaštitu u kantonu (papa testovi);
- Na rednom broju 3.13.4.3. Finansijskog plana (ekonomski kod 613941), planirana su sredstva za preventivnu zdravstvenu zaštitu - mamografija;
- Na rednom broju 3.13.4.7. Finansijskog plana (ekonomski kod 613943), planirana su sredstva za konsultativno-specijalističku zdravstvenu zaštitu sekundarnog i tercijarnog nivoa u kantonu, obračun sredstava za Zavod za bolesti ovisnosti, Zavod za medicinu rada i sportsku medicinu i Institut za zdravlje i sigurnost hrane. Obračun sredstava vrši se na osnovu Naredbe o standardima i normativima zdravstvene zaštite iz obaveznog zdravstvenog osiguranja ("Službene novine Federacije Bosne i Hercegovine", broj: 82/14, 107/14 i 58/18) i Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 19/19);
- Na rednom broju 3.13.4.8. Finansijskog plana (ekonomski kod 613945), planirana su sredstva za bolničku zdravstvenu zaštitu sekundarnog i tercijarnog nivoa u kantonu (ugovori, porodi, plućno, stacionarni dio Zavoda za bolesti ovisnosti). Obračun sredstava vrši se na osnovu Naredbe o standardima i normativima zdravstvene zaštite iz obaveznog zdravstvenog osiguranja ("Službene novine Federacije Bosne i Hercegovine", broj: 82/14, 107/14 i 58/18) i Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 19/19);
- Na rednom broju 3.13.4.9. Finansijskog plana (ekonomski kod 613945), planirana su sredstva za posebno skupe lijekove i preparate;
- Na rednom broju 3.13.4.15. Finansijskog plana (ekonomski kod 613946), planirana su sredstva za finansiranje usluga iz oblasti oftalmologije - očno u poliklinici sa dnevnim bolnicom Dobojskog). Ugovaranje usluga se vrši na osnovu Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 19/19);
- Na rednom broju 3.13.4.16. Finansijskog plana (ekonomski kod 613946), planirana su sredstva za finansiranje potpomognute oplodnje;
- Na rednom broju 3.13.4.18. Finansijskog plana (ekonomski kod 613946), planirana su sredstva za sufinansiranje tercijarne zdravstvene zaštite u kantonu (COR BIOPSY, imuno-alergologija, biopsije, kvantiferon test, razbijanje kamenca, magnetna rezonanca, onkologija, PORT sistem, mikrobiologija, plazmafereza, staplerski instrumenti, set za ligamentoplastiku). Ugovaranje usluga se vrši na osnovu Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova ("Službene novine Zeničko-dobojskog kantona", broj: 19/19);
- Na rednom broju 3.13.4.19. Finansijskog plana (ekonomski kod 613946) planirana su sredstva za PCR dijagnostiku.

Sredstva za finansiranje zdravstvene zaštite van kantona usmjerit će se za finansiranje zdravstvene zaštite koja će se pružiti osiguranim licima po osnovu potpisanih Ugovora koje Zavod ima sa zdravstvenim ustanovama.

Zdravstvena zaštita van kantona u Finansijskom planu planirana je na pozicijama:

- Na rednom broju 3.13.4.5. Finansijskog plana (ekonomski kod 613941), konsultativno-specijalistička zdravstvena zaštita van kantona (vanbolničko liječenje KCU Sarajevo, KCU Tuzla i ostali);
- Na rednom broju 3.13.4.11. Finansijskog plana (ekonomski kod 613946), bolnička zdravstvena zaštita tercijarnog nivoa van kantona (bolničko liječenje KCU Sarajevo, citostatici, KCU Tuzla i ostali);
- Na rednom broju 3.13.4.12. Finansijskog plana (ekonomski kod 613946), bolnička zdravstvena zaštita tercijarnog nivoa - usluge imunohistohemije;
- Na rednom broju 3.13.4.13. Finansijskog plana (ekonomski kod 613946), bolnička zdravstvena zaštita tercijarnog nivoa van kantona - molekularna tipizacija tumora;
- Na rednom broju 3.13.4.17. Finansijskog plana (ekonomski kod 613946), planirana su sredstva za bolničku zdravstvenu zaštitu tercijarni nivo za usluge ERCP i PCNL.

Odluku o utvrđivanju prava osiguranih lica na liječenje van kantona donosi nadležna Komisija koju na prijedlog direktora imenuje Upravni odbor Zavoda.

Sredstva za finansiranje zdravstvene zaštite u socijalnim ustanovama (zavodima i domovima) planirana su na pozicijama:

- Na rednom broju 3.13.4.6. Finansijskog plana (ekonomski kod 613941), primarna zdravstvena zaštita šticećenika u ustanovama federalnog nivoa i ostalim ustanovama;
- Na rednom broju 3.13.4.14. Finansijskog plana (ekonomski kod 613946), bolnička zdravstvena zaštita šticećenika u zavodima federalnog nivoa.

Realizacija ovih sredstava vršit će se na osnovu potpisanih ugovora sa socijalno-zdravstvenim ustanovama u kojima su smješteni osiguranici Zavoda, na osnovu broja šticećenika - osiguranika Zavoda i ugovorenih cijena.

Sredstva za usluge medicinske rehabilitacije osiguranih lica planirana su na rednom broju 3.13.4.10. Finansijskog plana (ekonomski kod 613945). Realizacija ovih sredstava vršit će se u specijalnim bolnicama - banjско liječenje (Reumal Fojnica, Aquaterm Olovo i „Banja Vrućica“ Teslić). Planirana sredstva će se realizovati na osnovu prijedloga nadležnog ljekara - specijaliste, uz odobrenje nadležne Komisije Zavoda.

Na rednom broju 3.4.2.1. Finansijskog plana (ekonomski kod 613421) planirana su sredstva za realizaciju Liste lijekova, a realizovat će se na osnovu Odluke o listi lijekova Zeničko-dobojskog kantona.

Sredstva planirana za finansiranje ortopedskih i drugih medicinskih pomagala na rednom broju 3.4.2.2. Finansijskog plana (ekonomski kod 613425), realizovat će se na osnovu primjene Odluke o obimu prava na korištenje ortopedskih i drugih pomagala, stomatološko-protetskih pomagala i stomatološko-protetskih nadomjestaka ("Službene novine Zeničko-dobojskog kantona", broj: 10/18), Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za RVI paraplegičare ("Službene novine Zeničko-dobojskog kantona", broj: 4/05) i prema Odlukama Upravnog odbora Zavoda. Ortopedska i druga medicinska pomagala odobravaju se na prijedlog nadležnog ljekara specijaliste, a na teret obaveznog zdravstvenog osiguranja.

Sredstva planirana na rednom broju 3.8. u Finansijskom planu (ekonomski kod 613722) realizovat će se na osnovu Projekta jačanja zdravstvenog sektora i potpisivanjem ugovora za održavanje Informacionog sistema zdravstva Zeničko-dobojskog kantona.

Sredstva planirana na rednom broju 3.9. u Finansijskom planu (ekonomski kod 613722) realizovat će se u skladu sa potpisanim ugovorom za održavanje HCFIS-a i ELMO-a.

Sredstva planirana na rednom broju 3.10. u Finansijskom planu (ekonomski kod 613722) realizovat će se u skladu sa potpisanim ugovorom za održavanje mreže i rutera.

Sredstva planirana na rednom broju 3.11. u Finansijskom planu (ekonomski kod 613722) realizovat će se u skladu sa potpisanim ugovorom za usluge mjerenja, atestiranja i konfigurisanja mrežne opreme kod sanacije komunikacijske mreže za zdravstveni informacioni sistem u Zeničko-dobojskom kantonu.

Sredstva za liječenje u inostranstvu (međunarodne konvencije) na rednom broju 3.13.4.20. Finansijskog plana (ekonomski kod 613948) usmjerit će se za pokriće obaveza koje Zavod ima u skladu sa potpisanim međunarodnim ugovorima o socijalnom osiguranju, a koje se odnose na plaćanje utvrđenih paušala za zdravstveno osiguranje lica državljana Bosne i Hercegovine trajno nastanjenih u inostranstvu i stvarnih troškova liječenja u inostranstvu po osnovu izdatih i propisanih obrazaca osiguranim licima koji privremeno borave u inostranstvu.

## Član 16.

Na rednom broju 5.1. Finansijskog plana (ekonomski kod 614175) nalazi se stavka za ustupanje participacije zdravstvenim ustanovama u kantonu. Kriteriji za raspodjelu sredstava ostvarenih kroz neposredno učešće osiguranih lica definisat će se Odlukom Upravnog odbora Zavoda.

Tekući transferi zdravstvenim ustanovama, neprofitnim organizacijama i pojedincima za potpore projektima iz oblasti zdravstvene zaštite na rednom broju 5.2. Finansijskog plana (ekonomski kod 614175) predstavljaju grantove koje do 1.500,00 KM odobrava direktor Zavoda. Sredstva preko 1.500,00 KM na prijedlog direktora odobrava Upravni odbor Zavoda.

Na rednom broju 5.2.2. Finansijskog plana (ekonomski kod 614175) planirana su sredstva za posebne programe za unapređenje zdravstvene zaštite.

Na rednom broju 5.3. Finansijskog plana (ekonomski kod 614175) nalaze se planirana sredstva za nabavku lijekova Metadon i Suboxon. Sredstva predviđena za ove namjene realizovat će se na osnovu zaključenog ugovora između Zavoda i Zavoda za bolesti ovisnosti Zeničko-dobojskog kantona.

Na rednom broju 5.4. Finansijskog plana (ekonomski kod 614175) nalaze se planirana sredstva za ustupanje regresnog postupka zdravstvenim ustanovama u kantonu. Kriteriji za raspodjelu sredstava definisani su Odlukom Upravnog odbora Zavoda.

Na rednom broju 5.5. Finansijskog plana (ekonomski kod 614175) nalaze se planirana sredstva za tekući transfer Kantonalnoj bolnici Zenica za uštede za liječenje van kantona, a u skladu sa Odlukom o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova, a u slučaju kada su troškovi liječenja van kantona za proteklu godinu manji od planiranih sredstava u Finansijskom planu Zavoda. Tada se 100 % razlike između planiranog i ostvarenog može odlukom Upravnog odbora Zavoda dodijeliti Kantonalnoj bolnici Zenica.

Na rednom broju 5.6. Finansijskog plana (ekonomski kod 614251) planirana su sredstva za isplatu naknada za vrijeme privremene spriječenosti za rad (transferi pojedincima na području zdravstvenog osiguranja - refundacija bolovanja) a realizovat će se po osnovu zahtjeva pravnih i fizičkih lica. Refundacija naknada bolovanja preko 42 dana predstavlja obavezu Zavoda utvrđenu na osnovu primjene Zakona o zdravstvenom osiguranju i Pravilnika o refundaciji naknade plate za vrijeme privremene spriječenosti za rad na teret sredstava Zavoda zdravstvenog osiguranja Zeničko-dobojskog kantona (broj: 01-100-16-171/20 od 23.03.2020. godine) koji je usvojio Upravni odbor Zavoda, u kojem je definisan postupak i način ostvarivanja ovog prava, te najniži i najviši iznos naknade koju Zavod refundira.

Na rednom broju 5.7. Finansijskog plana (ekonomski kod 614259) planirani su rashodi za lijekove po posebnom odobrenju koje na zahtjev osiguranih lica odobrava Komisija, a kao takvi imaju uporište u raspoloživim i predviđenim sredstvima Finansijskog plana.

Na rednom broju 5.8. Finansijskog plana (ekonomski kod 614259) nalaze se planirana sredstva za refundiranje 50 % troškova nabavke imunoglobulina za osigurana lica starija od 18 godina.

Na rednom broju 5.9. Finansijskog plana (ekonomski kod 614259) nalaze se planirana sredstva za refundaciju troškova liječenja u inostranstvu i ostalih odluka Zavoda, a finansirat će se u skladu sa podnesenim zahtjevima od strane osiguranih lica. Zavod učestvuje u direktnim troškovima liječenja prema originalnoj fakturi zdravstvene ustanove koja je provela liječenje u procentu od 30 % do maksimalnog iznosa od 60.000,00 KM. Zahtjeve odobrava Komisija.

Tekući transferi pojedincima na rednom broju 5.10. Finansijskog plana (ekonomski kod 614259) planirana su sredstva za PET / CT dijagnostiku, citogenetsku analizu-aminocintezu, neinvazivni prenatalni test i kariotipizaciju a koja će se finansirati na osnovu podnesenih zahtjeva osiguranih lica u skladu sa odlukama, opštim i internim aktima Zavoda o pomoći za pokriće troškova liječenja i koje kao takve imaju uporište u Finansijskom planu Zavoda, a odobrava ih Komisija.

## Član 17.

Sredstva za rad Stručne službe Zavoda (materijalni troškovi) planirana su u Finansijskom planu na pozicijama:

- 1.1. (ekonomski kod 611100) Bruto plate i naknade plata;
- 1.2. (ekonomski kod 611100) Bruto plate i doprinosi za radnike po programima zapošljavanja;
- 1.3. (ekonomski kod 611200) Naknade troškova radnika;
- 1.4. (ekonomski kod 611200) Naknade troškova za radnike po programima zapošljavanja;
- 2.1. (ekonomski kod 612100) Doprinosi poslodavca;
- 3.1. (ekonomski kod 613100) Putni troškovi;
- 3.2. (ekonomski kod 613200) Izdaci za energiju;
- 3.3.1. (ekonomski kod 613310) Izdaci za komunikaciju, internet za zdravstveni informacijski sistem ZDK;
- 3.3.2. (ekonomski kod 613320) Izdaci za komunalne usluge;
- 3.4.1. (ekonomski kod 613410) Administrativni materijal i sitan inventar;
- 3.5. (ekonomski kod 613500) Izdaci za usluge prijevoza i goriva;
- 3.6. (ekonomski kod 613600) Unajmljivanje imovine;
- 3.7. (ekonomski kod 613700) Izdaci za tekuće održavanje;
- 3.12.1. (ekonomski kod 613810) Izdaci osiguranja;
- 3.12.2. (ekonomski kod 613820) Usluge bankarskog i platnog prometa;
- 3.12.3. (ekonomski kod 613830) Izdaci za negativne kursne razlike;

- 3.13.1. (ekonomski kod 613910) Izdaci za informisanje [usluge medija, usluge štampanja reklamnog materijala za markice i ostalo, oglašavanje, reprezentacija, objavljivanje tendera i oglasa];
- 3.13.2. (ekonomski kod 613920) Usluge za stručno obrazovanje;
- 3.13.3. (ekonomski kod 613930) Stručne usluge [nadzor za polaganje optičkog kabla, procjena stalnih sredstava];
- 3.13.4.4. (ekonomski kod 613941) Preventivna ZZ [sistematski pregledi zaposlenika ZZO ZDK];
- 3.13.5. (ekonomski kod 613960) Zatezne kamate i troškovi spora;
- 3.13.6. (ekonomski kod 613970 - 613980) Izdaci po osnovu drugih samostalnih djelatnosti i povremenog samostalnog rada [ljekarske komisije, upravni odbor, odbor za reviziju];
- 3.13.7. (ekonomski kod 613990) Ostale nespomenute usluge i dadžbine;
- 3.13.8. (ekonomski kod 613999) Otpis nenaplativih potraživanja;
- 5.11. (ekonomski kod 614810) Drugi tekući rashodi.

### Član 18.

Sredstva planirana na stavci 6.1. (ekonomski kod 821211) Nabavka poslovnog prostora za poslovnicu Doboj-jug realizovat će se u skladu sa Zakonom.

Sredstva planirana za kapitalne transfere, realizovat će se u skladu sa Zakonom o javnim nabavkama ("Službeni glasnik Bosne i Hercegovine", broj: 39/14) i planiranim iznosima u Finansijskom planu. Kapitalni transferi u Finansijskom planu nalaze se na rednim brojevima Finansijskog plana:

- 6.2. (ekonomski kod 821311) Nabavka namještaja;
- 6.3. (ekonomski kod 821312) Nabavka servera za zdravstveni informacioni sistem i kompjuterske opreme za Zavod zdravstvenog osiguranja ZDK;
- 6.4. (ekonomski kod 821312) Nabavka opreme za sanaciju mrežne infrastrukture u Zeničko-dobojskom kantonu;
- 6.5. (ekonomski kod 821313) Nabavka opreme za prenos podataka i glasa;
- 6.6. (ekonomski kod 821319) Nabavka ostalih uredskih strojeva;
- 6.7. (ekonomski kod 821361) Nabavka strojeva, uređaja, alata i instalacija;
- 6.8. (ekonomski kod 821594) Nabavka stalnih sredstava u obliku prava (licence);
- 6.10. (ekonomski kod 821594) Nabavka softvera za finansijsko-materijalno knjigovodstvo Zavoda zdravstvenog osiguranja ZDK integrisanog sa zdravstvenim softverom;
- 6.11. (ekonomski kod 821594) Nabavka softvera za elektronski protokol sa elektronskom arhivom (DMS);
- 6.12. (ekonomski kod 821611) Adaptacija rampi za pristup osobama sa umanjanim tjelesnim sposobnostima.

Planirana sredstva su u skladu sa Finansijskim planom za nastavak aktivnosti koje provodi Zavod.



### **III - Izvršenje Finansijskog plana**

#### **Član 19.**

Sredstva iz Finansijskog plana za 2023. godinu mogu se koristiti samo do visine predviđene za njihove namjene u opštem dijelu Finansijskog plana.

Ukoliko su rashodi i izdaci na pojedinim stavkama veći od planiranih sredstava, isti se mogu pokriti korištenjem sredstava tekuće rezerve i preraspodjelom sa stavki na kojima je ostvarena ušteda.

Planirana sredstva tekuće rezerve će biti korištena u skladu sa članom 60. Zakona o budžetima u Federaciji Bosne i Hercegovine, i ovom Odlukom.

Sredstva tekuće rezerve planirana u Finansijskom planu koriste se za nepredviđene namjene za koje u Finansijskom planu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva jer ih pri planiranju nije bilo moguće predvidjeti.

Preraspodjelom sredstava mogu se pokriti rashodi i izdaci do 10 % prekoračenja planske veličine na pojedinim stavkama. Na osnovu člana 59. Zakona o budžetu, Upravni odbor uz saglasnost Ministarstva zdravstva Zeničko-dobojskog kantona može na prijedlog direktora Zavoda odlučiti da se nedovoljno predviđeni rashodi i izdaci podmire (povećaju) iz ušteda, odnosno smanjenjem sredstava na drugim stavkama u okviru odobrenog Finansijskog plana.

U slučaju većih odstupanja i smanjene likvidnosti Zavoda, direktor na prijedlog Službe za finansijske i računovodstvene poslove poduzima mjere na uravnoteženju Finansijskog plana i po potrebi aktivnosti vezane za Izmjene i dopune Finansijskog plana. Izmjene i dopune Finansijskog plana provode se po istoj proceduri kao i kod izrade i donošenja Finansijskog plana u skladu sa Zakonom o budžetima u Federaciji Bosne i Hercegovine.

#### **Član 20.**

U skladu sa članom 26. Statuta Zavoda, direktor Zavoda se stara o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, o njihovoj upotrebi i zakonitom, pravilnom i blagovremenom ostvarivanju prava osiguranih lica u skladu sa mogućnostima, planiranim i raspoloživim sredstvima.

Naloge za izvršavanje Finansijskog plana daje direktor Zavoda.

### **IV - Dinamika plaćanja**

#### **Član 21.**

Služba za finansijske i računovodstvene poslove Zavoda je nadležna da redovno prati ostvarivanje prihoda i primitaka, rashoda i izdataka utvrđenih u Finansijskom planu za 2023. godinu i vrši izvještavanje prema nadležnim institucijama u skladu sa Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine ("Službene novine Federacije Bosne i Hercegovine", broj: 69/14, 14/15, 4/16 i 19/18).

## Član 22.

Finansijski plan će se izvršavati po slijedećim prioritetima:

- Izvršenje Ugovora sa zdravstvenim ustanovama sa kojima Zavod ima zaključene ugovore;
- Izdaci za nabavku lijekova, ortopedskih sprava i pomagala i refundacija naknada plata;
- Plate, doprinosi, porezi i naknade radnika;
- Naknade članovima Komisija, Upravnog odbora i Odbora za reviziju;
- Ostali materijalni troškovi za Stručnu službu;
- Kapitalni izdaci;
- Ostalo.

U slučaju nelikvidnosti plaćanje će se vršiti prema redoslijedu dospjeća obaveza, a na osnovu plana novčanih tokova.

## Član 23.

Zavod će u saradnji sa drugim nadležnim organima provoditi mjere sprječavanja potencijalnih nezakonitosti i nepravilnosti, te preventivnog djelovanja po svim segmentima poslovanja.

Zavod će pratiti i usklađivati svoje poslovanje sa novim zakonskim i podzakonskim odredbama koje se direktno ili indirektno odnose na poslovanje istog.

Istovremeno, Zavod će imajući u vidu stepen važnosti kao centralna institucija finansiranja zdravstvenog sistema, zahtijevati prisustvo svojih internih i / ili eksternih uposlenika i saradnika u svim komisijama i tijelima koji rade na pripremanju akata bilo kojeg formata, čije donošenje kao takvo može imati direktan ili indirektan efekat na poslovanje Zavoda, a posebno na Finansijski plan.

## V - Finansijsko izvještavanje

### Član 24.

Zavod će vršiti finansijsko izvještavanje u skladu sa odredbama i rokovima utvrđenim Pravilnikom o finansijskom izvještavanju i Godišnjem obračunu budžeta u Federaciji Bosne i Hercegovine.

Stručna služba Zavoda će podnijeti Upravnom odboru periodične i godišnje izvještaje o izvršenju Finansijskog plana sa detaljnim obrazloženjima o ostvarenim prihodima i rashodima.

Stručna služba Zavoda će podnijeti Upravnom odboru Godišnji obračun i Izvještaj o izvršenju Finansijskog plana sa detaljnim obrazloženjima prije roka za dostavu istog Skupštini Zeničko-dobojskog kantona putem Ministarstva zdravstva.

Služba za finansijske i računovodstvene poslove sačinjavat će periodične informacije o izvršenom obimu vrijednosti ugovorenih usluga, iskazanim troškovima za lijekove, ortopedske sprave i pomagala i ostale rashode koji budu u odstupanju izvršenja u odnosu na planirana sredstva u Finansijskom planu, a sve radi eventualnog poduzimanja mjera na usklađivanju ostvarenja u odnosu na plan.

## Član 25.

Na sva pitanja koja nisu regulisana ovom Odlukom, a tiču se načina izrade, donošenja i izvršavanja Finansijskog plana za 2023. godinu, primjenjivat će se odredbe Zakona o budžetima Federacije Bosne i Hercegovine.

## Član 26.

Ova Odluka stupa na snagu danom donošenja Odluke Skupštine Zeničko-dobojskog kantona o davanju saglasnosti na istu, a primjenjivat će se od 01.01.2023. godine i objavit će se Službenim novinama Zeničko-dobojskog kantona.

**Broj: 01-100-3-23/23**  
**Zenica, 09.03.2023. godine**

### DOSTAVLJENO:

- 2x Vlada Ze-do kantona;  
(putem Ministarstva zdravstva)
- 1x Ministarstvo zdravstva;
- 1x Direktor Zavoda;
- 1x Pomoćnik direktora;
- 1x Služba za pravne i opće poslove (U.O.);
- 1x Služba za finansijske i računovodstvena poslove;
- 1x Služba za sprovođenje zdravstvenog osiguranja  
i analitičko-planske poslove;
- 1x Služba za javne nabavke;
- 1x Arhiva.



**PREDSJEDNIK UPRAVNOG ODBORA**

-----  
**Almira Baručija Kapidžić, dipl. pravnik**